


DEO ET VIRGINI MATRI

Extrema Leonis vota

XTREMUM radiat, pallenti involvitur umbra
Jam jam sol moriens ; nox subit atra, Leo,

Atra tibi : arescunt venae, nec vividus humor
Perfluit ; exhausto corpore vita perit.

Mors telum fatale jacit ; velamine amicta
Funereo, gelidus contegit ossa lapis.

Ast anima aufugiens excussis libera vinclis,
Continuo aethereas ardet anhela plagas ;

Huc celerat cursum ; longarum haec meta viarum
Expleat oh clemens anxia vota Deus !

Oh coelum attingam ! supremo munere detur
Divino aeternum lumine et ore frui.

Teque, o Virgo frui ; Matrem te parvulus infans
Dilexi, flagrans in sene crevit amor.

Excipe me caelo ; caeli de civibus unus,
Aspice te, dicam, praemia tanta tuli.

LEO PP. XIII.
